



ETNOHISTORIAS | ETHNOHISTORIES

Midi Chali

Ngäbere

AUTOR / AUTHOR:

Roger Séptimo Jiménez – Ingeniero Agrónomo / Agricultural engineer

EDITORA / EDITOR:

Luz Graciela Joly Adames – Antropóloga / Anthropologist, Ph.D.



Midi Chali ne abogo ngäbe goibare mosiguigüe nomlen nügüe rüre ngäbebe kä nebiti nguan-re, nomlen nügüe segri, negri, kä gädianta matare suliare Bocas del Toro, Chiriquí kontitda temen nomlen nügüe rüre ngäbebe. Ngäbegüe rübare bärebäre mosiguibe, kä nebiti te ñan namanlin nügüe, ne abogo ñan tö nomlen nebei kä dengä, amlen kä nguarabetre biti, tö rubata be käre, tö jagabata ribangabe abogo tari käre nain, ne krere abogo nomlen ja toen ngäbebe kä nebata. Nomlentre nain gogäre, ja müreketare gäre ribangabe abogo nain. Tö rübata, tö ribanga migabata nguarabe jai abogo tari nomlen naintre temen, nebetre move temen rüre, ño kärera nomlen nain.



Sulia ngämin nügüe kä nebiti amlen mosigui nomlen nügüe, biti sulia nügälin-nan kä nebiti amlen nomlen nügüeta nen ngäbeye. RÜ nemen ñákara ietre. Mosigui abogo ie non gare mrenbiti aicete nomlen kite rute mrenbiti abogo kite ñö gä biti jate, abogo nebe nen ribanga, jutaite, güíriete ie jateta temen käbube nguarabe, ribanga jämen ietre nomlen nebe nen, ne abogo ribanga müre ketare kuäräbe kuetre abogo gäre nomlen noenentre, ne krere rüre käre. Ne krere mosigui nomlen nügüe nen ngäbe ye segri konti ngäbägre ja etebare goibare nibu kuetre, Midi Chali bata Nguite Chali.

Nomientre kia nguan-re, mosigugüe nguibiabare biti kriigri amlen nomlen ngüen jabetre, abogo juen ngäbe toembiti ja kälin. Ngäbe nünen ñó, nomlen ñó, bä ñó jabata abogo juen toembititre, ne abogo biti jataretre nen ietre gäre nomlen nuenen. Midi Chali abogo nomlen nügüeta ngäbe ngötaite akua ngäbe abogo tebaire ñácara, nomlen nain nguarabe nomlentre nütire abogo bata nguibiaretari ñácara. Ne abogo nain mosigui be abogo gare ñácara ietre, mrägä abogo ie nügüetre jämen, ne amlen nünen ñó tre, guiere rügrä kuetre, rüre bä ñó abogo gare kuin mosigui ye, abogo Chalibo ne guebeite. Nünen ngäbebe ya o ñó akua neguete mosiguibe, ne aicete mosigui mie totde jai, abogo bata nünen mosiguibe ne

abogo niere ñácará, mosiguigüe niaretre mrägaye niere ñácará ietre. Bata nomlen nebe guiere noenen ngäbe ngontitatemen niere ñácará arato.



Akua abogo suguia nomlen ñünen iti kã ne nguan-re kägüe galin, akua ne abogo kägüe niebare ñagare mrägäye namanlinbe kueguebe guibiare jiriäbe. Suguia abogo kägüe ñägäbare ñagare arato Midi Chali ye, toalin-mlen kueguebe kue, namanlin kã migue niguen raire ta, abogo ñan gare Midi Chali güe gare, abogo bata ñan mialin mogre kenabe kue, nomlen nünen jämen bentre jiriäbe. Suguia tö namanlin Midi Chali töi ñó gai mada, guiere noendi kue abogo tö namanlin gai kägüe mialin ru mosiguigüe guibiare mrenbiti moda, nanlen mosigui riga ñó gäbiti jate nen ngäbeye abogo ñan gä ngäbegüe abogo ngänlienen Midi Chali mialin nguibiare, ne abogo kägüe ru mosigui güe gadre, kägüe niedreta jotrö suguia ye abogo gare.

Suguiagüe niebare Midi Chali ye: magüe ru nguibia mogre mrenbiti temen, magüe ñan tö guan nügüe ñó gäte moda, jata mai move mrenbiti amlen jötro nguarabe magüe drieta tie, niebare ie suguiagüe. Kriä krere raba toen nögaingä move mrenbiti temen mai amlen magüe drie jötrö nguarabe tie, niebare ie suguiagüe, ne amlen mosigui nügüe ja ken. Suguia güe niebare krörö ie biti suguia namanlin guibiare, guiere noendi kue abogo suguia tö namanlin gai kägüe mialin, akua suguia güe toalimlen kaibe. Ne abogo ñan gare kue jabata gare, ne krere gain ñácará jabata bogänlen. Ne biti suguia namanlin guibiare kã bube nguarabe. Suguia oguäbiti ru jatalin nügüe kabre möda, Midi Chali güe galin akua niebare ñagare kue suguiaye. Ne abogo noendi krörö kue galinra suguiagüe, kägüe mialin aicete namanlin guibiare arato. Suguiagüe ñägäbare ñagare ie, te suguia nigalin jiriabe mosigui ñügalin kuatíí jabata mötda abogo nigalin toembiti. Ne abogo ñan gadre mosiguigüe gare abogo nigüitalin mosigui mulatore nigaln toembiti. Nigüitalin mosigui mulatore janamlen mosigui toembiti biti jatalinta guä. Mosigui nügalin nibe jabata abogo janamlen toembiti, nombare jogrä kue mosigui ngötaitde. Mosigui abogo kägüe galin ñácará jabata.




Namanlinta guí kägüe mosigui nomlenn bã ñó jabata mötda niebare kue mrägä ye biti nigalin rü göböire mosiguibe, rüdi ñó mosiguibe erere niebare kue mrägäye.

Ne abogo rüdre mosiguibe, ngualen mosigui tädre kibien jogrä nguanre niebare suguiagüe. Ne abogo tädre kibien jogrä bata rabadretre konti kämigadretre jogrä kuetre gare. Ja ügalingretre kuatíí jabata

kuetre 7 biti nigalin nen mosiguiye. Ne abogo niere ñagare Midi Chali ye. Nigalintre amlen suguia nigalin Midi Chali ngüenan arato, ne amlen namanlinnan gäre mrägäye.

Akua Midi Chali abogo jänigalin ñó gäre galin ñagare kue, amlen niebare ñagare arato kuetre ie, ne abogo suguia güe ñan nie mlan ie. Ne abogo gadi batibe mötda kue gäre ñan niebare ie. Ne amlen ñan Midi Chali nomlen nebe dego mötda mosigui ngonti, abogo dirire ietre.

Ngäbe nomlen nünen ñó, ne abogo ñó-ngüälen kadre jämen mosiguigüe konti müre ketadretre kuäräbe kuetre, abogo nomlen nebe niere mosigui ye mötda.



Ne abogo nomlen nebe kädriereta mosiguiye, ne abogo mosiguigüe niadre dibire ngäbeye ne abogo nomlen kadriere bentre. Ne bata abogo nanlen noentre kue abogo ngälienen kälin, näire rare suguiagüe niabare kälin ngäbebe ietre.

Suguiya nigalin nen mosiguiye ngäbe jänigalin kuarí jabe kue. Namanlin mötda mosigui ngontdi, amlen mosigui kuan-lintre kibien jogrä ietre ümanbiti mren gräbiti mötda. Ne abogo suguiagüe mosigui mialin kibien jogrä nieta, suguiagüe köbö dialintre ie kägüe mialin kibien jogrä rare, ne abogo tö namanlin kämigaitre jogrä kägüe noembare krörö mosiguiabata.



Amlen ru jänügalin kratí mosiguigüe té Degueta tigalingä mürüre oto mrämen-be, ügalin ere rute kuetre, nomlen mren gräbiti mötda bäre temen nomlen kibientre, bata ngäbe namanlin suguiabe. Ne abogo kríto nebeti rigadre ngäbe mete doguägäte konti rigadre kämiguetre kringräbiti jogrä abogo gäre nomlen nguentre. Suguiya namanlin ngäbebe bata kägüe jötrö nguarabe Degueta oto mrügalimbata mosiguigüe dialintre kue biti nigalin mosigui kibien temen metde doguägäte. Mosigui kämigalin-ra kuarí

kuetre amlen jatalin nūguetre nguāte, mosigui namanlin braibe jabata, ñūgalintre nguātetre erere kägūe rūe galintre jabata nigalin betegā, nagualin rute, nigalintre nguitie ngabe ngālienen, ne krere ñan noendretre kue gōtai jogrā ngābe kisete. Nieta ngābegūe abogo ne nguanlen mosigui nialinte ngābebe jabata amlen ngōtalin kuaatí 8 amlen ngābe abogo nomlen ngōi jabata nguidialin ñagare mosigui ye. Ne abogo noembaretre kue Midi Chali uguābiti.


Nebiti mosigui nguāgā temen ngrie nguialingā kuetre jañate biti dorie, ngongrā dialin kuetre te Midi Chali juaglinte kuetre jañate biti kuata metalin kuetre.

Ne krere moendi kuetre abogo gāre jatalin nguenan arato, aicete niebare ñagare kuetre Midi Chali ye. Nequeta doguāre mosiguibe kūgūe bare krōrō bata.

Mosigui abogo ngābe rūe ben nomlen nequete abogo bata kūgūe noembare krōrō mrāgā ngāberēgūe bata. Ne amlen batibe ñan namanlin nequete mosiguibe.

Amlen namanlinta rūnen kāre mrāgābe. Nebiti kā nigalin kirara ta amlen Midi Chali arabe kägūe niabare dego suliaye Tolé nieta ngābegūe. Ne ngualen abogo niabare ngābe ben kue suliaye. Nara abogo ie mosigui rūre ñó gare kuin aicete abogo ñaragūe rū gōboi migalintibe suliabe, abogo biti mosigui rūre krere noembare tre kue, kāgue sulia jualintare, sulia kuata metalin dego Tolé nieta, ja kugūe mialin kuetre mosigui krere aicete nieta sullagūe abogo mosiguigūe niabare Tolé abogo kādri meguera. Kugūe ne abogo suliare abogo nieta krōrō.





Luz Graciela

CONTENIDO DE DOMINIO PUBLICO
PUBLIC DOMAIN CONTENT

